

Ашық оқу іс-әрекеті

«Ақкөгершін» тобы

Тақырыбы: «Күзгі көкөністер әлемі»

Тәрбиеші: Богатова Айгүл

Арипбаева Айгүл



« Күзгі көкөністер әлемі»

(ересек)

Безендіру: Музыка ырғағы және залы екіге бөлінеді. Бір бөлігі мерекеге сай безендірілген, екінші бөлігі егістік алқабы бейнесінде.

Кейіпкерлер: Көкеністер, Аралар, Алтын күз

Жүргізуші: Сары жібек көйлегін желбіретіп

Жапырағын ағаштардың селбіретіп

тойға бөлеп елімізді күзім келді

Нұр тамшысын аспанның мөлдіретіп

Ертегі: «Күзгі көкеністер әлемі» (залға көкеніс балақайлар келіп жайғасады)

Бар екенде жоқ екен, Ерден атай өте еңбекқор ата болыпты. Күннің ыстығына қарамастан жер тазалап түрлі-түсті көкеністер егіпті, көкеністерді суғарып, қамқорлық жаспа күтіп баптапты, көкеністер жайқалып өсіпті. Күз мезгілі



келгенде үлкен әрі дәмді болып өсіпті. (күннің суық ызғары үні естіледі)

Сол сәтте **Күз ханшайымы** кіріп келеді:

-Уа, халайық, дархан далам армысың,
Табиғатым жаны жайсан тал мүсін.
Ханшайымы күздің бүгін келіп тұр,
Алмақ болып бар халқымның алғысын.

-Мен Күз ханшайымымын. Сендерді көргеніме қуаныштымын Күз мезгілі мезгілі берекелді де молшылық мезгілі. Өйткені Күз мезгілінде түрлі көкеністермен жемістерім қамбамызға толып Қыстық азығымызды жинап алуымызға мүмкіндік беретін мезгіл. Қараңдаршы Ерден атайдың көкеністері қандай үлкен әрі әдемі болып өсіпті. Бұл мерекеге мен жалғыз келген жоқпын мен өзіммен бірге күз айларын ала келдім. Олар сендерге өздерінің күзгі әуендегі әдемі билерін көрсетеді.

Би: «Флешмок» (Раян, Айханым, Мерей, Абылай, Абдуғани, Кәусар)

Көкеністер әбден пісіп жетілгендіктен тілге ене бастады, (көкеністер әлемі, үн таспасы қойылады)

Асханадан шықпаймын,
Атым-пияз бұқпаймын.
Көзден жасты шығарып,
Тұмаудан бірақ сақтаймын. Абілхасым

Картоп біздің атымыз,

Жер астында жатамыз.
Бір тамырдан тараған,
Ағайынбіз бәріміз. Картоп-Абылай

Көрсен егер бақшада,
Доп екен деп қалма.
Шөл қандырар қарбызбын,
Ерте үзіп алма. Қарбыз- Аяна

Би: «Көңілді»
Орындаған балалар: Нұрбек, Айида, Аяна, Саян, Баймұрат, Анел, Жания,
Әбілхасым

Жеміс мол теретін
Күз дос екен бізбенен
Бәрін тауып беретін
Жомарт екен күз деген –Айида

Алақай! Алақай!
Шаттанды балақай!
Күз түсті, дән пісті.
Айтамыз алғысты. Раян

Қамба толды астыққа
Алғыс саған алтын күз.
Бір уыс дән шаштық та,
Қап - қап қауын алдық біз. Көркем

Көк майсалы көрікті
Алқаптағы көп егін
Бұл күндері киіпті
Сары жібек көйлегін. Мерей

Жел тынымсыз гуілдеп,
Болып кетті тым бұзық.
Шуылдайды тал, терек,
Жапырағын жұлғызып. Кәусар

Сарғайды тоғай,
Сап-сары маңай.
Соңғы әнін айтып,
Құс кетті қайтып.Сағынтай

Құстар қайтты ән салып,
Бұлт шарлады аспанды,

Қыс келеді жар салып
Күзгі суық басталды. Алмас

Жүргізуші: Алтын күз бірде шуақ, бірде салқын,
Жер мен көк жалтыраған сап-сары алтын
Ағашта жапырақтар сылдырлайды,
Төгілген алтын теңге сансыз жалқын.-деп Күз туралы ән

Ән: «Алтын күз»

Жүргізуші: Көрініп еліме

Күндері мереке.

Келді ғой жеріме

Күз дейтін мереке-деп балалардың мерекеге арналған тақпақтарымен
жалғастырамыз.

Берекесі сыйлауға
Өлкемізге күз келді
Жемістерін жинауға
Шақырады біздерді. (Абдуғани)

Алтын, сары, қызыл, көк
Алуан - алуан жапырақ
Ағаштардан жамырап
Ұшты кенет жамырап. (Аяулым)

Көбейді құт береке,
Астық толы қамбамыз.
Құтты болсын мереке,
Алтын күзді тойлаймыз. (Нұрбек)

Жайдары күз, жомарт күз,
Аяулы күз, алтын күз.
Дөнге толы кең далам
Дариядай шалқып жүр. (Айханым)

Келді міне күз,
Айнала сары түс.
Керемет, тамаша,
Қандай әсем күз. (Балзере)

Жеміс-жидек пісті,

Қамбаға астық түсті.
Қызу жұмыс басталып,
Жинап алды жан салып. (Еркем)

Көктен көзін бір алмай,
Қызғылт тартты кәрі күз...
Жер қызығын қия алмай,
Маужырап тұр сары күз...(Баймұрат)



Думан толы асқарлы
Күз мезгілі басталды.
Күз әуені кеп жетті,
Өнге бөлеп жастарды.(Мөлдір)

Нұрға бөлеп өмірді,
Жырға бөлеп көңілді,
Жарқыраған сәулелі
Күз әуені төгілді. (Қалдаш Мерей)

Жапырақ ұшты,
Суық та түсті.
Сонда да бізге,
Қызық көп күзде. (Жания)

Күз келді алақай,
Алтын келді далаға.
Дәні біткен бидайды,
Құйып жатыр қамбаға. (Анел)

Би: « Жапырақтар» (Мөлдір, Аяулым,Еркем, Көркем)

Тәрбиеші : мерекеміз қызықты болсын деп бір ойын ойнап алайық. Кәзір мен Қолшатырларды мұнда қоямын. (тәрбиеші шеңберге 5 қолшатырларды

қойып шығады). Кім ойын ойнағысы келсе қолын көтерсін. (тәрбиеші 6 баланың атын атап шығарады, балалар қолшатырды айналып тұрады). Музыка ойнаған кезде балалар шеңбермен қолшатырды айналып билеп жүреді, музыка тоқтағанда әр бала бір қолшатырды қолына ұстап отыра қалу керек, қолшатыр жетпей қалған бала ойынның шарты бойынша , ойыннан шығады, тәрбиеші бір қолшатырды алады.

Жүргізуші: Тілегім аман болсын ел іргесі,
Алтын күз қайта келді берекесі.
Молшылықтың жаршысы бола білді,
Алтын күз-ырыс,береке,бірлік ала келді-деп Сіздерді Күз мерекесімен
құттықтаймыз, Отбасыларыңызға бақыт, береке тілейміз



